



Na osnovu člana 132. stav (11) Zakona o prostornom uređenju i građenju ("Službeni glasnik Unsko-sanskog kantona", broj: 12/13, 03/16, 15/20 i 10/22), i člana 2. stav (1) Pravilnika o tehničkom pregledu građevina ("Službeni glasnik Unsko-sanskog kantona", broj: 26/22), Ministarstvo za građenje, prostorno uređenje i zaštitu okoliša Unsko-sanskog kantona, o b j a v l j u j e:

## **PONOVNI JAVNI POZIV**

### **za podnošenje prijava za učešće u radu komisija za tehnički pregled građevina i zahvata u prostoru iz nadležnosti Unsko-sanskog kantona**

#### **I**

Pozivaju se sve zainteresirane stručne fizičke osobe da podnesu prijave za učešće u radu komisija za tehnički pregled građevina i zahvata u prostoru iz nadležnosti Unsko-sanskog kantona, i to iz sljedećih struka:

- arhitektonske,
- građevinske (konstruktivni, saobraćajni i hidrotehnički smjer),
- mašinske,
- geodetske,
- geološke,
- saobraćajne,
- tehnološke,
- zaštite okoliša.

#### **II**

Na Javni poziv mogu se prijaviti osobe koja imaju namanje VSS iz struka navedenih u tački I Javnog poziva, diplomirani inženjeri od najmanje 10 (deset) godina radnog iskustva i položenim stručnim ispitom za oblasti za koje je propisana obaveza polaganja.

Doktori i magistri nauka iz oblasti za koju se prijavljuju dostavljaju rješenje o oslobađanju obveze polaganja stručnog ispita umjesto uvjerenja o položenom stručnom ispitu.

#### **III**

Uz potpisanu prijavu sa tačnom adresom, JMBG, brojem telefona/mobitela i e-mail adresom, potrebno je priložiti sljedeću dokumentaciju u originalu ili ovjerenoj kopiji:

- kratku biografiju sa listom referenci, uz obveznu naznaku uže oblasti za koju se stručna osoba prijavljuje,
- diploma VSS o završenom fakultetu (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova),

- dokaz o radnom iskustvu u struci nakon sticanja diplome iz tačke II Javnog poziva (Potvrde ili uvjerenja poslodavca ili poslodavaca kod kojih je stručna osoba radila ili radi, ili uvjerenje Zavoda za PIO – listing uz obavezno dostavljanje potvrde koja razjašnjava šifre sa listinga. Fotokopija radne knjižice neće se cijeniti.).
- dokaz o položenom stručnom ispitu i/ili dokaz o sticanju naučnog zvanja, kao i dokaz o stručnoj kvalifikaciji ili stručnom osposobljavanju za oblasti predviđenim posebnim propisima,
- fotokopija lične karte,
- naziv poslovne banke i broj transakcijskog računa.
- ovjerenu Izjavu kojom podnosilac prijave izjavljuje da će blagovremeno pisanim putem obavijestiti Ministarstvo za građenje, prostorno uređenje i zaštitu okoliša radi izuzeća u radu komisije, u slučaju da je u srodstvu sa investitorom građevine koja je predmet tehničkog pregleda ili ako je učestvovao-la u postupku izdavanja lokacijske informacije, odnosno urbanističke saglasnosti i odobrenja za građenje, ili ako je učestvovao-la u izradi tehničke dokumentacije, reviziji glavnog ili izvedbenog projekta i nadzoru nad gradnjom, za građevinu koja je predmet tehničkog pregleda (primjerak izjave se nalazi na web stranici Vlade Unsko-sanskog kantona).

#### IV

Rok za podnošenje prijava je 30 dana od dana posljednje objave Javnog poziva.

Prijave se mogu podnijeti putem pisarnice Vlade Unsko-sanskog kantona (u prizemlju zgrade Vlade Unsko-sanskog kantona) ili poštom na adresu:

**Ministarstvo za građenje, prostorno uređenje i zaštitu okoliša,  
ulica Alije Đerzeleza broj: 2, 77 000 Bihać,**

u zapečaćenoj koverti, sa naznakom: “Prijava za učešće u radu komisija za tehnički pregled građevina i zahvata u prostoru iz nadležnosti Unsko-sanskog kantona – NE OTVARAJ”.

#### V

Javni poziv bit će objavljen u Unsko-sanskim novinama “Krajina”, oglasnoj ploči Vlade Unsko-sanskog kantona i web stranici Vlade Unsko-sanskog kantona i Ministarstva.

Neblagovremene i nepotpune prijave neće se uzeti u razmatranje.

Dokumentacija predata uz prijavu se ne vraća podnosiocu.

Izuzetno, zainteresirane stručne osobe koje su se prijavile na Javni poziv za podnošenje prijava za učešće u radu komisija za tehnički pregled građevina i zahvata u prostoru iz nadležnosti Unsko-sanskog kantona, broj: 11-19-5385-1/23 od 19.05.2023. godine, a čija je prijava odbačena kao nepotpuna, mogu se prijaviti na Ponovni Javni poziv samo sa dokazom koji im je nedostajao u prethodnom Javnom pozivom.

## VI

Provjeru ispunjavanja uvjeta iz Ponovnog Javnog poziva, vrši stručna komisija koju imenuje ministar Ministarstva, shodno odredbama člana 132. stav (12) Zakona o prostornom uređenju i građenju i člana 2. stav (2) Pravilnika o tehničkom pregledu građevina.

Nakon komisijskog pregleda i obrade pristiglih prijava, a najkasnije u roku od 30 dana od dana zaključenja Ponovnog Javnog poziva, utvrđena Dodatna lista osoba koje ispunjavaju uvjete za obavljanje poslova tehničkog pregleda građevina i zahvata, bit će istaknuta na oglasnoj ploči i web stranici Vlade Unsko-sanskog kantona i Ministarstva, te će važiti dvije godine od dana utvrđivanja.

Nakon utvrđivanja Dodatne liste stručnih osoba koje ispunjavaju uvjete za rad u komisiji za tehnički pregled građevina i zahvata, podnosioci prijava bit će pisano obaviješteni.

Broj: 11-19-5385- 35/23

Bihać, 08.08.2023. godine



**MINISTAR**  
**Senad Dizdarić, dipl.pravnik**

**Dostavljeno:**

1. Sredstva javnog informisanja,
2. Oglasna ploča,
3. web stranica Vlade Unsko-sanskog kantona i Ministarstva,
4. a/a,



---

(ime, ime oca, prezime)

---

(Adresa: ulica i broj, mjesto)

---

(kontakt telefon i e-mail)

## IZJAVA

Kojom potvrđujem da ću blagovremeno, pisanim putem obavijestiti Ministarstvo za građenje, prostorno uređenje i zaštitu okoliša o svom izuzeću u radu Komisije za tehnički pregled, u slučaju da sam u srodstvu sa investitorom građevine koja je predmet tehničkog pregleda ili ako sam učestvovao-la u postupku izdavanja lokacijske informacije, odnosno urbanističke saglasnosti i odobrenja za građenje, ili ako sam učestvovao-la u izradi tehničke dokumentacije, reviziji glavnog ili izvedbenog projekta i nadzoru nad gradnjom, za građevinu koja je predmet tehničkog pregleda.

Ovu izjavu dajem u svrhu prijave na Ponovni Javni poziv za učešće u radu komisija za tehnički pregled građevina i zahvata u prostoru iz nadležnosti Unsko-sanskog kantona.

Podnosilac prijave

---

(svojeručan čitak potpis)

Bihać, \_\_\_\_\_ 2023. godine

